

*furent pas plustost aperscus que po<sup>9</sup> reconnoistre une faueur si grande ils ornerent leurs Cabanes de tout ce qu'ils auoient de plus pretieux dans leurs petits magasins. preparant une place pour y faire asseoir Sa Grandeur, et étendant à terre, les uns des branchages, les autres des nattes bien travaillées, d'autres de belles peaux, d'autres des couvertures de ratine et de semblables étoffes. Netoyant les rues par ou il deuoit passer, et les embellissant autant qu'ils le pouuoient. Monseig<sup>r</sup>. fut bien content et edifié de tous ces sinceres temoignages d'affection et de respect, et quoy qu'il se fit tart lors qu'il eut visité tout le monde, l'ardeur que montrerent quelques parens a luy faire baptiser leurs enfans fut Cause que no<sup>9</sup> luy en presentasmes sept ausquels il Confera tout aussi tost ce Sacrem<sup>t</sup>. apres quoy il assista au salut qui se fit coe le Jour precedent le lendemain matin ayant encore voulu dire la messe de nos sauuages qui y chanterent tres bien a leur ord<sup>re</sup>. il reprit le chemin de montreal tout le monde l'accompagnant Jusques a la riuiera coe l'on auoit faict a son arriuée. lors qu'il fut prest d'entrer dans son Canot, on se mit a genoux po<sup>9</sup> receuoir sa benediction qu'il donna encore a toute l'assemblée qui le suiuit tant qu'elle put des yeux, et dont il emporta tous les Cœurs, en luy laissant le sien.*

*Nous eusmes loisir d'entretenir Monseig<sup>r</sup>. l'Euesque pendant qu'il fut icy de quelques vns de nos sauuages dont la vertu esclatoit dauantage, outre la satisfaction qu'il tesmoigna auoir de tout le qu'il auoit veu, et du bon estat ou il trouuoit cette mission; Il prit sur tout plaisir au recit que nous luy fismes de la pretieuse mort d'un June Iroquois Chrestien.*

Une des choses par où ce saint Prélat et sa suite remarquèrent mieux la solide vertu des Sauvages de